

Takurda-o Burus ayoore-o o wu gene yan-dor Yeso n-me un bo-o o-Tasaronika

Rem-se ro n-me à:

M-zante 1:1-2

Ur-bongon us-tor ne 1:3-12

Ur-kewes un ma-to un haan-m Kiristi 2:1-17

Do ye un jaab-o ur-hur un she'et-de un yan-dor
3:1-15

Ur-kom 3:16-18

Ur-gas

¹ Be un de Burus, mosse un Siras ne,* un **Timoti** ne, genbe ka takurda-o, ha-mo un be-de un hun-ne yan-dor un bo-o o-Tasaronika ye ro hun-ne ye Shir à Tato na un Wan-Koyan ne Yeso **Kiristi**.†‡

² Um konog Shir o-Tato un Wan-Koyan ne Yeso **Kiristi** remen ye ye'et no m-yar un gwugwu-mo ur-hur ne.

Ur-bongon ur-gas ne

³ Or te ne, depete te bum Shir ko de ke ho-de rem no, komo kaane ro ur-bon ne, remen sher-m no ro m-bo'ose, komo was-mo no wasse or no ne à mo ro m-do.

⁴ Remen kaane, kap un n-me un hun-ne yan-dor-ye Shir, no ye tette un uk o-cin remen gaag

* **Bor-o gaan:1 1:1** ut-Girik: Sirabanus. † **Bor-o gaan:1 1:1** Wu Shir daagne à. ‡ **Bor-o gaan:1 1:1** Hyen komo: Seng 17:1.

un men-ut nɔ un sher-m nɔ ne un ka range-o kumu nɔ ut-meger ne amba nɔ 'mo ur-hur à.

⁵ Kap yo ka kutute unze Shir rɔ un piish ut-ma ur-bon ne, yo ka komo rwuntute cas unze nɔ bɔ'oste m-she'et un gwomo-to Shir remen ka gwomo-to, o notte un swɔ ur-koob.

⁶ Shir rɔ un men-ut pus-to ne, remen kaane, ka ye rɔ nɔ m-'ya ur-koob à wua tope ye un reesu un ye ur-koob ebe un ye.

⁷ Amba nɔ ye rɔ un swɔ ur-koob à wua wuwussu nɔ, har ma un te ne. Yo ka a kor un ho-de Wan-Koyan Yeso he m-rwuun n-Tɔn shir un rem-de o-ra à, mosse un **yan-tom-ye Shir** ye un wu ne ye ur-beeb.

⁸ Wua rangse ka ye nape Shir á un ka ye yage nome un **Ma-to m-Rerem** o-dorotte à to ma Wan-Koyan na Yeso.

⁹ A 'ye ye koob-de ba m-ta, a dos ye un co-o Wan-Koyan un seps-mɔ un beeb-de un wu ne. §

¹⁰ Un ka da-o, wu he m-muun a ye'et wu m-sek à, yan-ba-**ur-ba'as** yea seps wu. Kap yan-dor komo yea hyen made-o un wu un ka ho-de mosse un nɔ ne, remen nɔ shereg un ka ma-to te ruru nɔ à.

¹¹ Un yo ka ne ur-hur, o rwo'e tette us-kon rem nɔ koyanda, remen nɔ ya'asté Shir ur-bongon. Te us-kon noa she'et un ka cow-yo Shir cone à. Nom nɔ kaane remen nɔ waragte rii-yo Shir dektu nɔ à. Komo te us-kon Shir a ya'as nɔ beeb-de m-shoos un ko yo ke rii-yo ur-bon yo remen nɔ m-she be-ur Yeso **Kiristi**.

§ **Bɔr-o gaan:9 1:9** Hyen komo: Isha 2:10.

¹² Tɛ ʉs-kɔn ʉn bɔ a he sɛps ʉn jin-ʉr Wan-Koyan na Yeso n-mɛ ʉn nɔ à, nɔ komo n-mɛ ʉn wʉ, hond hond ʉn yar-mɔ Shir na, ʉn Wan-Koyan nɛ Yeso **Kiristi**.

Bɔr-ʉs yoor

Ko-Gwɔmo-wʉ o-zang

¹ M-mɔka, ɔr re nɛ, ʉm ɔnɔg ʉm rurʉ nɔ se ken rem-se mɔsɛ ʉn muʉn-m Wan-Koyan na Yeso **Kiristi** ʉn komo bɔ a he na m-mɔrogɛ nɛ be-de ʉn wʉ à, tɛ nɔ ʉs-kɔn:*

² Taase hur-ʉr nɔ nukte hɔr-m-hɔr, kɔ komo can-yo ʉn wur-o nɔ ine ʉnze hɔ-de ʉn Wan-Koyan rege de woosunte á. A nom wʉ ken wʉ a hoks m-rwɔr n-mɛ ʉn ma-tɔ o-Kukt, kɔ be-de ʉn rwɔr ʉt-ma, kɔ gengen sa o zee be ʉn tɛ tɔ rwʉʉnɛ.

³ Nɔ jar o-jar nɔ yage wʉ ken wʉ raks nɔ ʉn yo ken ɔw-yo á. Mɛ ʉn zee kaane remen ka hɔ-de a wɔn á sɛ a inite zang komo ká ko-gwɔmo-wʉ o-zang wʉ rusune cas, wata ka wʉ a nome den-o o-ra à.

⁴ Wʉ rɔ ka wa-ʉt-yage-wʉ. Wʉ rɔ ʉn sɛps ʉn hi ʉn de ʉn wʉ ʉn yage-tɔ ʉn kap rii-yo piye jin-de Shir à, kɔ komo wʉ a m-kwʉkte à. Har ma wʉ rɔ m-she'et ʉn kwʉur-o Shir ʉn **Pyo-o Shir** wʉ rɔ m-zee ʉnze wʉ rɔ Shir.†

⁵ ¿Nɔ baks, da-o ʉm ro ʉn nɔ nɛ à, ʉm rurʉtu nɔ tɔ kà kap á?

* **Bɔr-ʉs yoor:1 2:1** Hyen komo: 1Tas 4:15-17. † **Bɔr-ʉs yoor:4 2:4** Hyen komo: Dane 11:36; Izik 28:2.

6 M-moka nō nepse rii-yo wene to m-kor à, taase yo kor cin ba da-o wō un wōon.

7 Remen ka ko-Gwomo-wu o-zang wu teksunte m-senge wukusse. Amba ka wu rō m-wen à wua re co m-wen har da-o Shir he wu m-doss o-cow à.

8 Un ka da-o a he ka ko-Gwomo-wu o-zang wu m-rwunte cas, amba un muun-m Wan-Koyan Yeso, Yeso a ho wu un shik-mō un nu-o un wu, wu sabre wu un seps-mō un wu ne.‡

9 A nep haan-mō un ko-Gwomo-wu o-zang be-de un senge-mō un **ko-Gwomo-wu un ya-ut-kot**. Wua nom rem-se o-made, ut-napa ne, ut-hyat ne to ut-bo go-us-go.§

10 Wu rō m-raks un ye rō un bu-yo un den-o o-ra à remen ye ginimte m-was un yo rō o-nip à, komo remen kaane ya kum gwu á.

11 Remen kaane Shir a tomnuntu ye caari-to ut-raks remen ye sheret be-de ut-bo.

12 Wu un nom kaane remen a kupsuté kap ye yage m-sher be-de o-nip à ut-ma, ye rō komo m-hoge un zak-o m-nom un men-ut jaas-to à.

Es nō m-'wons ne

13 Depete te bum Shir rem nō, or re ne nō ye Wan-Koyan wasse un nō ne à, remen cin ur-takan Shir daagu nō, nō kumut gwu un bu-yo un **Kukt-o Shir** muutu nō ba m-kukop un komo bu-yo un sher o-nip ne à.

‡ **Bqr-us yoor:8 2:8** Hyen komo: Isha 11:4. § **Bqr-us yoor:9 2:9** Hyen komo: Mati 24:24.

14 Wɔ ɔn agan nɔ ɔn bɔ-yo ɔn ka **Ma-to m-Rerem** tɔ, tɔ tɛ ya'u nɔ à, remen nɔ kumut seps-m Wan-Koyan na Yeso **Kiristi**.

15 Remen kaane, ɔr re ne, es nɔ ɔr-beeb ne, komo nɔ bɔp ka nip-o tɛ yoosu nɔ à, kɔ ɔn ma-to nu, kɔ komo gengen.

16 Tɛ ɔs-kɔn be-ɔr Wan-Koyan na Yeso **Kiristi** ɔn hi ɔn de ɔn wɔ, ɔn Shir ne Tato na rem nɔ. Wɔ wasɔ na à, ɔn yar-mɔ ɔn wɔ, wɔ 'ye na jaab-o ɔt-men o ɔn ba m-ta, o-saktɔ ne o ɔr-bon ɔn bɔ-yo yar-mɔ ɔn wɔ.

17 Komo tɛ ɔn kɔn-se Shir ɔnze wɔ 'ye nɔ jaab komo wɔ dowe rwun-ɔs nɔ m-'wɔns, n-me ɔn kɔ mɔ ke senge-mɔ, mɔ m-nom m-cep ne à.

Bɔr-ɔs tet

Kɔn nɔ Shir rem tɛ

1 ɔr-kom ɔr re ne, kɔn nɔ rem tɛ remen ma-ɔt Wan-Koyan nomot hɔr-mɔ m-wɔ kɔ kene, komo tɔ kum m-seps bɔ tɔ kume be-ɔr nɔ à.

2 Komo nɔ kɔn bɔ a he na m-gu ɔn kom-to ɔn hun-ne yan-men-ɔt jaas-to à, remen ba kap mɔ ɔn hun-ne ye shere á.

3 Amba Wan-Koyan wɔ rɔ ko-yan-ess ɔt-ma, wɔ dowe rwun-ɔs nɔ ɔr-beeb, wɔ 'er nɔ be-de ɔn ka wan-men-ɔt jaas-to wɔ.

4 Ya tɛ rɔ sasa ɔn Wan-Koyan ne, remen nɔ m-dɔre ɔn yo tɛ rurɔ nɔ à, komo nɔ he co m-dɔre ɔn yo tɛ rwo'u nɔ à.

5 Tɛ ɔs-kɔn ɔnze Wan-Koyan na Yeso wɔ ru nɔ sengute, be-de ɔn was-mɔ Shir, ɔn 'mɔ-mɔ ɔr-hur ne mɔ **Kiristi** rɔ m-'ya à.

*Ur-kewes taase a she'et
she'et-de o-hwaa*

⁶ Or te ne, te ka'agte no un jin-ur Wan-Koyan na Yeso **Kiristi**, ru no cow-yo un ko wu ke, wu ro un she'et-de o-hwaa a, wu ro un dorotte-o un ka rii-yo te yoosu no a.

⁷ Ai, no un hi un no, no nese depete no dore sha-m te, remen da-o te ro be un no a, te ya-m-zar-ye a,

⁸ komo te re rii-yo m-re m-yar be-de un net a. Amba te swoog ur-koob, te m-senge m-how, m-tet ne, taase te sawse wu ken wu be-ur no us-nu.

⁹ Te un nom yo ka, ba remen tett o ur-beeb te hobt gwu a, te un nom kaane remen te kututu no bu-yo m-dore.

¹⁰ Da-o te ro be-ur no a, te ro no m-rure un yo ka: "Kap bon wu yage nom m-senge a taase wu re a."

¹¹ Te hogute unze ye ken ye be-ur no ya-m-zar-ye, komo ye ro m-nom un yo ken rii-yo a se o-hebe gwuw.

¹² Un jin-ur Wan-Koyan Yeso **Kiristi** gon ka hun-ne ye, ye jar a. Te ka'agte ye, ye nom m-senge un ess ur-hi ne, remen ye reegtute hi un de un ye.

¹³ Amba no or re ne, taase no ker un nom un rii-yo ur-bon.

¹⁴ Urege wu ken wu yagute nom o-dorotte un rii-yo te rwore n-me un ka takurda-o a, ruru no **yan-dor Yeso** wu. Nom no ja un wu ne m-sok ne, komo no som wu remen wu hogute m'e.

¹⁵ Amba no muut wu wa-ut-yage a, amba nak no gon wu ut-to remen or na wu wan-dor.

Gas-de ur-kom

¹⁶ Te un kon-us Wan-Koyan un hi un de un wu, remen wu ye'et no m-gwugwu koyanda komo un ko yo ke bu-yo. Wu ro takan-de un gwugwu-mo un hur-ut na a. Wan-Koyan wu ro un no ne kap.

¹⁷ Un kom-ut re, Burus, um genbe ka gas-de. Un gon ka bu-yo me m-gen un ko o ke takurda-o. Kaane me m-gen.

¹⁸ Yar-m Wan-Koyan na Yeso **Kiristi** ro un no ne kap!

ut-Hun New Testament

Hun-Saare: ut-Hun New Testament New Testament

copyright © 2017 Wycliffe Bible Translators, Inc.

Language: Hun-Saare

Contributor: WBT Central Zone

© 2017 Wycliffe Bible Translators, Inc. in cooperation with the Ut-Hun Bible Translation Project All rights reserved. The New Testament in ut-Hun (Eastern Dukawa)

All rights reserved.

2020-11-17

PDF generated using Haiola and XeLaTeX on 28 Dec 2024 from source files dated 29 Jan 2022

4b40cd80-7cb8-5d3d-8563-557f030f99d7